

## Sasak - Keselametan Kitab Suci - Salvation Scriptures

Epesus 2:2 Lēq waktu nike side pade turut kebiasean-kebiasean dunie niki; artine side pade taat lēq penguase-penguase saq araq lēq awang-awang, nike roh saq mangkin nguasein atē dengan-dengan saq durhake.

Matius 6:10 Rauhang Kerajaan Deside, jariang pekayunan Deside lēq gumi maraq lēq sorge.

Lukas 22:42 "Bapa, lamun bau, jaoqang lēman Tiang cawan penderitean saq harus Tiang alamin niki. Laguq sampunang menurut kemēlēq Tiang, laguq menurut pekayunan Deside mēsaq."

Yahya 16:7-9 Laguq Tiang sampēang hal saq kenaq lēq side pade: Solahan umaq side pade lamun Tiang lalo; sēngaq lamun Tiang ndēq lalo, Penulung nike ndēq gen dateng ojok side pade. Laguq lamun Tiang lalo, Tiang gen ngutus Penulung nike ojok side pade. 8 Lamun Penulung nike dateng, le gen nyatayang tipaq dunie mengenai dose, mengenai kebenaran, dait mengenai penghakiman. 9 Mengenai dose, sēngaq ie pade tetep ndēq percaye lēq Tiang;

2 Timotius 2:10 Keranaq nike tiang sabar nanggung selapuqne nike demi kepentingan dengan-dengan saq sampun tepilēq siq Jehovah, adēq ie pade ēndah mauq keselametan saq teicanin langan Deside Isa Almasih, dait saq tebarengin siq kemuliean saq kekel.

Roma 15:20,21 Tiang anggep sebagē kehormatan nyampēang Kabar Solah lēman Jehovah lēq taoq-taoq lēq mbē dengan-denganne ndēqman dengah mengenai Almasih. Sēngaq tiang ndēq mēlē begawēan lēq dasar saq sampun tetoloq siq dengan lain. 21 Araq tetulis lēq Kitab Suci, "Dengan-dengan saq ndēq uwah nerimaq berite mengenai le, gen serioq; dait ie pade saq ndēq uwah dengah, gen ngerti."

Rasul-Rasul 2:36,37 Keranaq nike selapuq dengan Israel harus nenoaq pacu-pacu bahwe Deside Isa saq side pade pakuq lēq kayuq salib nike, le ēndah saq sampun tejanjiqang siq Jehovah jari Junjungan Saq Mulie dait Almasih!" 37 Sewaktu dengan-dengan nike dengah hal nike, angen ie pade jari osah. Terus ie pade beketuan lēq Petrus dait rasul-rasul saq lainne, "Semeton-semeton, napi saq harus tiang pade piaq?"

Ibrani 4:2 Sēngaq Kabar Solah nike sampun teberiteang lēq ite, pade maraq tipaq ie pade. Laguq lēq ie pade, manik nike ndēq araq manpaatne. Sēngaq sewaktu ie pade dengah, ie pade ndēq percaye.

Yeremia 24:7 - Matius 22:37 Jawab Deside Isa, "Kasihin Tuhan Jehovahde siq segenep atēnde, dait siq segenep jiwende, dait siq segenep akal budinde.

Rasul-Rasul 16:14 Sopoq dengan lēq antare ie pade bedagang lakan lempok lomaq, aranne Lidia, asalne lēman Tiatira. Ie ngasihin Jehovah, make Tuhan bukaq angenne adēq ie nerimaq napi saq Paulus ajahang tipaq ie.

Matius 13:14-16 Siq care nike make telaksane napi saq sampun tenubuatang siq Nabi Yesaya, 'Jehovah bemanik: Side pade gen dengah laguq side pade ndēq ngerti; side pade gen serioq laguq ndēq paham. 15 Sēngaq pikiran dengan-dengan nike sampun kongol, kentok ie pade sampun kedok dait penenteng ie pade sampun tepedemang. Hal niki telaksane adēq penenteng ie pade ndaq nyerioq, kentok ie pade ndaq dedengah, pikiran ie pade ndaq ngerti, terus bebalik, sehingga Tiang nyelahang ie pade.' " 16 "Laguq side pade bahagie," manik Deside Isa lēq pengiring-pengiring-Ne, "sēngaq side pade tetu-tetu nyerioq dait dengah.

Yesaya 6:9,10 - Rasul-Rasul 28:27 Sēngaq pikiran dengan-dengan nike sampun kongol, kentok ie pade sampun kedok dait penenteng ie pade sampun tepedemang. Hal niki telaksane adēq penenteng ie pade ndaq nyerioq, kentok ie pade ndaq dedengah, pikiran ie pade ndaq ngerti, terus bebalik, sehingga Tiang, nyelahang ie pade.

Markus 4:11,12 Make Deside Isa bemanik lēq ie pade, "Side pade sampun teicanin jari nenoq rahasie Kerajaan Jehovah. Laguq dengan-dengan luah teajah kadu perumpamean, 12 adēq: 'Timaq ie pade serioq laguq ndēq paham, timaq ie pade dengah laguq ie pade ndēq ngerti, adēq ie pade ndēq tobat dait Jehovah ngampunin ie pade.'

Yahya 12:39,40 Keranaq nike ie pade ndēq iniq percaye, sēngaq Yesaya sampun bebase ēndah, 40 "le sampun buteang penenteng dait miaq atē ie pade jari pagah; adēq ie pade ndaq serioq siq penenteng, dait pikiran ie pade ngerti, terus betobat, sehingga Tiang nyelahang ie pade."

Roma 11:7,8 Jari, berembē? Israel ndēq mauq napi saq ie pade boyaq. Saq mauq cume dengan-dengan saq sampun tepilēq siq Jehovah, saq lain selapuq jari pagah. 8 Sēngaq dalem Kitab Suci tulis maraq niki, "Jehovah miaq atē dait pikiran ie pade jari bebel; dait dateng mangkin penenteng ie pade ndēq tao nyerioq dait kentok ie pade ndēq tao dedengah."

2 Tesalonika 2:10,11 Ie gen kadu segale macem tipu muslihat saq jahat jari nyesatang dengan-dengan saq gen binase. Ie pade gen binase sēngaq ie pade ndēq nerimaq kebenaran dait ndēq ngasihin kebenaran saq bau nyelametang ie pade. 11 Dait lantaran hal nike Jehovah datengang tipaq ie pade sopoq kuase saq nyesatang, sehingga ie pade percaye lēq hal-hal saq duste,

Matius 13:18-23 "Dengahang napi arti perumpamean penyawur binēq nike. 19 Binēq saq geriq lēq langan nike ibarat dengan-dengan saq dengah manik mengenai Kerajaan Sorge, laguq ie pade ndēq ngerti. Beterus Si Jahat nike

dateng ngerampas napi saq sampun tesawur lēq dalem atē dengan-dengan nike. 20 Binēq saq geriq lēq tanaq saq luwēq batune, ibarat dengan-dengan saq dengah manik nike, dait langsung nerimaq siq senengne. 21 Laguq manik nike ndēq berakah lēq dalem atē ie pade, sehingga ndēq tahan ngonēq. Sewaktu dateng penyusah atau penganiayean lantaran manik nike, ie pade langsung murtat. 22 Binēq saq geriq lēq tengaq bebenes beduwi ibarat dengan-dengan saq dengah manik nike, laguq kuatir mengenai idupne dait mēlē idup mēwah. Keranaq nike manik lēman Jehovah tegepit lēq dalem atēne sehingga ndēq iniq bebuaq. 23 Dait binēq saq geriq lēq tanaq saq subur ibarat dengan-dengan saq dengah dait paham lēq manik nike. Ie pade bebuaq luwēq, araq saq satus, enem dase dait telung dase kali lipet hasilne."

2 Korintus 3:15,16 Mangkin ēndah lamun ie pade bace kitab Musa, kerudung nike masih nutup pikiran ie pade. 16 Laguq lamun sopoq dengan bebalik tipaq Tuhan, kerudung nike teangkat lēman muen dengan nike.

Hosea 11:3-7 - Matius 11:28-30 Silaq dateng ojok Tiang selapuqde saq lelah dait saq bedowē bandean berat; Tiang gen bēng kelepasan tipaq side. 29 Pade turut selapuq prēntah Tiang, dait berajah lēman Tiang. Sēngaq Tiang niki lemah lembut dait rendah atē, make jiwende gen mauq ketenangan. 30 Sēngaq prēntah-prēntah Tiang nike miaq seneng dait bandean Tiang nike ēndah dēang.

Rasul-Rasul 26:18 jari miaq melēng penenteng ie pade, adēq ie pade bebalik lēman peteng ojok menah dait lēman kuase Belis tipaq Jehovah. Adēq siq imanne tipaq Tiang, ie pade mauq pengampunan dose dait mauq bagian lēq napi saq tetentuang jari dengan-dengan saq tehususang bagi Jehovah.

2 Timotius 2:24-26 Dengan saq begawēan tipaq Tuhan ndēqne patut besiaq; ie harus tao bebatur kance selapuq dengan, dait bau ngajah dengan secare solah dait sabar. 25 Ie harus secare lemah lembut ngajah dengan-dengan saq girang ngelawan; mudah-mudahan Jehovah ngicanin kesempatan lēq dengan-dengan nike adēqne betobat lēman dose-dose ie pade dait nenaq kebenaran. 26 Siq care nike ie pade jari sadar malik, dait lepas lēman kuase Belis saq sampun jeret ie pade dait maksaq ie pade turut kemēlēqne.

Wahyu 3:17-19 Side pade bebase, 'Tiang pade sugih dait selapuq cukup; tiang pade ndēq kurang napi-napi!' Laguq side pade ndēq nenaq berembē melarat dait berembē sedihne keadaande! Side pade miskin, bekelombas, dait bute. 18 Keranaq nike Tiang nasēhatin side pade adēq beli emas lēman Tiang, nike emas saq tulēn, adēq side pade jari sugih. Beli ēndah kelambi putēq lēman Tiang adēq side pade bekelambi dait ngilipang keadaan side pade saq bekelombas dait merilaq. Dait beli ēndah minyak

jari teolēs lēq penentengde adēq side pade tao nyerioq. 19 Dengan-dengan saq Tiang kasihin, ie pade saq Tiang peringet dait Tiang empuk, keranaq nike side pade harus rēdeang angende dait tobat lēman dose-dosende.

2 Korintus 7:10 Sēngaq sedih saq maraq nike ngasilang perobahan atē saq datengang keselamatan. Dait dengan ndēq gen nyel lēq hal nike. Sebalikne, sedih saq pade maraq kemēlēq manusie ngasilang kematēan.

1 Raje 18:37 - God turned heart back to God

2 Korintus 4:4 nike dengan-dengan saq ndēq percaye, saq pikiranne sampun tebutueang siq penguase jahat jaman mangkin niki, sehingga ie pade ndēq serioq cahaye Kabar Solah mengenai kemuliean Almasih, saq jari gambaran Jehovah.

Lukas 8:11-15 "Niki arti perumpamean nike: Binēq nike Manik Jehovah. 12 Binēq saq geriq lēq langan, ibarat dengan-dengan saq dengah manik nike. Laguq Belis dateng dait ngerampas manik nike lēman atē ie pade, adēq ie pade ndaq percaye dait teselametang. 13 Binēq saq geriq lēq taoq saq bebatu-batu ibarat dengan saq sewaktu dengah manik nike, nerimaq siq seneng angenne. Laguq manik nike ndēq berakah lēq atē ie pade. Ie pade percaye seberaq doang, dait lēq waktu dateng cobe, ie pade murtat. 14 Binēq saq geriq lēq tengaq bebenes beduwi ibarat dengan saq dengah manik nike, laguq kuatir mengenai idup ie pade; dait melēt idup mēwah dait seneng lēq dalem dunie niki. Selapuqne nike saq gepit ie pade sehingga ndēq ngasilang buaq saq masak. 15 Binēq saq geriq lēq tanaq saq subur ibarat dengan saq dengah manik nike, terus simpenne lēq dalem atē saq solah dait jujur. Ie pade bau tahan jangke ngasilang buaq."

Rasul-Rasul 15:11 Sebalikne, ite percaye dait teselametang langan rahmat Junjungante Saq Mulie Deside Isa, maraq nike juaq ie pade.

Roma 8:13 Sēngaq lamun side pade idup menurut tabiat manusie, make side pade gen matē; laguq lamun siq kuase Roh Jehovah side pade terus doang nyemateq perbuatan-perbuatan saq bedose, make side pade gen idup.

Pastor T. John Franklin  
Church of Salvation, Healing, and Deliverance  
COS-HAD.org